



Broj, 04/5-02-531/24

Sarajevo, 29.02.2024.godine

## ZAPISNIK

### **22. sjednice Vijeća nacionalnih manjina Federacije Bosne i Hercegovine, održane 28.2.2024.godine.**

Sjednica **je počela u 11 sati.**

Sjednici su prisustvovali: Hidajeta Redžić, Elma Softić-Kaunitz, Admira Biberović, Zehra Obarčanin, Vladimir Lukičević, Violeta Džolan, Mišo Ćirko, Džemina Zejnullahu, Davorka Drijenčić, Elvisa Jusić i Bruno Palestra.

Sjednici nisu prisustvovali: Emil Bakoš, Dervo Sejdić, Alaga Suljić, Nermin Geca, Mehmed Suljić, Emin Fafulić, Dejan Piotrovski i Irma Muratović.

**Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.**

**Za 22. sjednicu Vijeća nacionalnih manjina Federacije Bosne i Hercegovine predložen je sljedeći:**

## DNEVNI RED

- 1. Usvajanje Zapisnika sa 21. sjednice Vijeća nacionalnih manjina Federacije BiH,**
- 2. Prijedlog Programa rada Vijeća nacionalnih manjina Federacije BiH za 2024 godinu - razmatranje objedinjenog dokumenta na osnovu prijedloga članova Vijeća,**
- 3. Imenovanje predstavnika Vijeća nacionalnih manjina Federacije BiH na Regionalnoj konferenciji o saradnji sa nacionalnim manjinama u organizaciji Ministarstva za ljudska prava i izbjeglice BiH uz podršku Visokog komesara OSCE-a za pitanja nacionalnih manjina,**

- 4. Informacija o korekciji visine naknade za rad članova Vijeća nacionalnih manjina Federacije BiH,**
- 5. Tekuća pitanja.**

Prijedlog dnevnog reda je jednoglasno usvojen.

### **1. Usvajanje zapisnika sa 22. sjednice Vijeća nacionalnih manjina Federacije BiH**

Zapisnik sa 22. sjednice Vijeća nacionalnih manjina Federacije BiH je jednoglasno usvojen, bez prijedloga i primjedbi.

### **2. Prijedlog Programa rada Vijeća nacionalnih manjina Federacije BiH za 2024. godinu - razmatranje objedinjenog dokumenta na osnovu prijedloga članova Vijeća,**

Predsjedavajuća je obavijestila članove Vijeća da su Mehmed Suljić i Alaga Suljić pripremili Prijedlog Programa rada Vijeća nacionalnih manjina Federacije BiH za 2024. godinu, koji im je dostavljen i prezentiran na sjednici. Navedenom Prijedlogu predsjedavajuća Vijeća je dodala dvije tačke, i to:

1. Ponovno pokretanje procedure izmjene i dopune Zakona o zaštiti prava nacionalnih manjina Federacije BiH,
2. Nastavak aktivnosti Vijeća nacionalnih manjina Federacije BiH na implementaciji člana 6. Zakona o zaštiti prava nacionalnih manjina Federacije BiH,

Nakon rasprave, predsjedavajuće je na glasanje stavila opisni dio Prijedloga Programa rada Vijeća nacionalnih manjina Federacije BiH za 2024 godinu - razmatranje objedinjenog dokumenta na osnovu prijedloga članova Vijeća, koji su članovi Vijeća jednoglasno usvojili.

Predsjedavajuća je zatim podsjetila članove Vijeća da je gospodin Dervo Sejdić dostavio nekoliko prijedloga aktivnosti Vijeća nacionalnih manjina u 2024. godine, za koje je prezentirao i finansijski plan. Budući da predlagatelj nije prisutan na današnjoj sjednici, predsjedavajuća je predložila da se ovi prijedlozi razmatraju na narednoj sjednici. Članovi Vijeća su jednoglasno usvojili prijedlog predsjedavajuće.

### **3. Imenovanje predstavnika Vijeća nacionalnih manjina Federacije BiH na Regionalnoj konferenciji o saradnji sa nacionalnim manjinama u organizaciji Ministarstva za ljudska prava i izbjeglice BiH uz podršku Visokog komesara OSCE-a za pitanja nacionalnih manjina,**

Predsjedavajuća je obavijestila članove Vijeća o održavanju Regionalne konferenciji o saradnji sa nacionalnim manjinama u organizaciji Ministarstva za ljudska prava i izbjeglice BiH uz podršku Visokog komesara OSCE-a za pitanja nacionalnih manjina,

Navela je da bi Vijeće nacionalnih manjina Federacije BiH trebalo odrediti predstavnike koji će prisustvovati ovoj Konferenciji.

Nakon rasprave, odlučeno je da će Vijeća nacionalnih manjina Federacije BiH na Regionalnoj konferenciji o saradnji sa nacionalnim manjinama predstavljati:

- Hidajeta Redžić, predsjedavajuća
- Violeta Džolan, potpredsjedavajuća
- Džemina Zejnullahu, članica
- Vladimir Lukačević, član
- Zehra Obarčanin, članica
- Bruno Palestra, član

#### **4. Informacija o korekciji visine naknade za rad članova Vijeća nacionalnih manjina Federacije BiH,**

Predsjedavajuća je članove Vijeća obavijestila da je Administrativna komisija Doma naroda Parlamenta Federacije BiH donijela novu Odluku o isplati naknade članovima Vijeća nacionalnih manjina Federacije BiH u 2024. godini, broj: 02/3-11-487/24 od 19.02.2024. godine.

Članove Vijeća je zatim detaljno upoznala sa sadržajem iste, posebno dijelom koji utvrđuje da se članovima Vijeća nacionalnih manjina Federacije BiH odobrava isplata naknade za rad u mjesečnom iznosu od 250,00 KM za predsjednika i 200,00 KM za članove.

Podsjetila je i da Administrativna komisija Predstavničkog doma Parlamenta Federacije BiH treba donijeti istu odluku, kako bi mjesečni iznos naknade članova Vijeća bio usaglašen u oba doma Parlamenta Federacije BiH.

#### **4. Tekuća pitanja**

- Izbor novog predsjedavajućeg Vijeća nacionalnih manjina Federacije BiH

Predsjedavajuća je podsjetila članove Vijeća da će u skorijoj budućnosti biti podvrgnuta lakšem operativnom zahvatu, te je zbog pomenutih razloga predložila provođenje postupka izbora novog predsjedavajućeg Vijeća nacionalnih manjina Federacije BiH.

Nakon rasprave, članovi Vijeća su jednoglasno odbili prijedlog predsjedavajuće o njenom razrješenju i izboru novog predsjedavajućeg Vijeća nacionalnih manjina Federacije BiH, ističući da ostavka predsjedavajuće nije neophodna, uzimajući u obzir da je riječ o lakšem operativnom zahvatu i kratakom periodu postoperativnog oporavka, koji značajno neće utjecati na redovne aktivnosti Vijeća nacionalnih manjina Federacije BiH.

Sjednica je završena u 12 sati.

**PREDSJEDAVAJUĆA VIJEĆA NACIONALNIH  
PARLAMENTA FEDERACIJE BiH**

